

## UGOVOR O VRŠENJU USLUGA

zaključen između ugovornih strana:

1. **Federalnog ministarstva kulture i sporta, u čijem sastavu je Zavod za zaštitu spomenika**, koje zastupa **Zora Dujmović, ministrica** (u daljem tekstu: **Naručilac**), Obala Maka Dizdara br. 2, Sarajevo,

-identifikacijski broj: 4227298880007;

i

2. **GEOAVAS d.o.o. Sarajevo**, kojeg zastupa **Semir Ahmetspahić, direktor** (u daljem tekstu: **Izvršilac**), Latička br.14, Ilidža

-identifikacijski broj: 4202006930006;

### I. PREDMET UGOVORA

#### Član 1.

Predmet ovog ugovora je vršenje radova rekognosciranja terena, prospekcije arheološkog potencijala nedestruktivnim metodama uključujući zračna snimanja i izvođenje preliminarnih radova koji prethode zaštitnim arheološkim istraživanjima putem probnih sondi i geofizičkim metodama na trasi autoceste Koridora Vc, poddionica Mostar Jug - Tunel Kvanj u dužini cca 9,75 km, sa izradom plana površina i sortiranja podataka i Elaborata o izvršenim istraživanjima na Koridoru Vc, dionica/poddionica Mostar Jug-Tunel Kvanj, a sve prema tenderskoj dokumentaciji, po provedenom Otvorenom postupku u Federalnom ministarstvu kulture i sporta.

### II – CIJENA, NAČIN PLAĆANJA I REALIZACIJA UGOVORA

#### Član 2.

**Izvršilac** je dostavio ponudu ukupne vrijednosti **20.475,00 KM** (*cijena sa PDV-om*) po provedenom Otvorenom postupku za vršenje poslova prema Aneksu VII tenderske dokumentacije, koja je sastavni dio ovog ugovora.

**Izvršilac** se obavezuje započeti izvođenje radova u roku od 10 dana od dana potpisivanja ugovora i uvođenja u posao.

Ukoliko Izvršilac bude dobio posao na više lotova, odnosno dionica, uvođenje u posao će se vršiti postepeno. Nakon završetka prve dionice, Izvršilac će biti uveden u posao na drugoj dionici i tako redom.

**Naručilac** se obavezuje **Izvršiocu** uplatiti ugovoreni iznos po slijedećoj dinamici:

- 50% ugovorene vrijednosti u roku od sedam dana nakon potpisivanja ugovora i dostave računa
- 50 % ugovorene vrijednosti u roku od sedam dana po završetku poslova, predaje elaborata i dostave računa.

### III – ROK IZVRŠENJA

#### Član 3.

**Izvršilac** se obavezuje izvršiti poslove koji su predmet ovog Ugovora u roku od 20 dana od dana početka izvođenja radova.

U slučaju zakašnjenja u realizaciji ugovorenih obaveza krivicom **Izvršioca** u utvrđenom roku, **Izvršilac** plaća **Naručiocu** ugovornu kaznu u visini od 0,5% od ukupne vrijednosti faze ugovora za svaki dan kašnjenja završetka radova, a najviše do 5% od faze ugovora koja se realizuje.

**Naručilac** se obavezuje odrediti lice koje će obavljati stručni nadzor nad izvođenjem radova.

#### Član 4.

Ukoliko **Izvršilac** usluga pod uticajem više sile (nepovoljni vremenski uslovi i sl.) nije u mogućnosti da obavlja terenski posao, obavezuje se obavjestiti stručni nadzor i uz njegovu saglasnost može privremeno prekinuti radove. Stručni nadzor potvrđuje opravdanost zahtjeva za privremeni prekid radova i za taj period će se produžiti period ugovorenih obaveza.

#### IV – KVALITET RADOVA

##### Član 5.

**Naručilac**, preko lica određenog za stručni nadzor, provjerava da li se Ugovoreni poslovi vrše stručno, a **Izvršilac** se obavezuje da će otkloniti sve uočene nedostatke i greške.

#### V - PRELAZNE I ZAVRŠNE ODREDBE

##### Član 6.

Ugovor stupa na snagu i primjenjuje se od dana kada ga ugovorne strane potpišu.

##### Član 7.

Sve nesporazume iz ovog Ugovora, ugovorne strane će nastojati riješiti mirnim putem, a u suprotnom spor će rješavati nadležni sud u Sarajevu.

##### Član 8.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

**IZVRŠILAC:**  
**DIREKTOR**



Broj: 53-U /22

Sarajevo, 27.5.22 godine

**NARUČILAC:**  
**MINISTRICA**



Broj: 01-11-11-3052/22

Sarajevo, 25.05.2022. godine